



Gūkū nī gwitū mūciī na kwīna nyamū nyingī mūno.

Kwīna ng'ombe. Ng'ombe ici cīi na tūcaū. Ng'ombe ciakamwo nī ciumaga iria rīngī. Nītwendagia iria rīu na rīmwe tūkaruga narīo cai. Ng'ombe ici irīaga thaara na nyeki.



Twīna ngūkū nyingī. Imwe ina tūcui. Gūtirī kīndū nyendete ta kūrīa nyama cia ngūkū. Ningī ngūkū nī irekagia matumbī. Ngūkū nī ciendete kūrīa mbembe na no irīaga nyeki na tūgunyū tūnini.






Ningī gūkū gwitū nī kūrī mbūri na ng'ondu nyngī.

Nīnyendete mbūri tondū nīngamaga na nganyua

iria rīacio. Ndariķia gūkama tūři nī tuongaga.

Ng'ondu itikamagwo no kuongithia ciongithagia

tūgondu twacio.



Nī tūrī ngui igīrī na nīcio itūrangagīra ūtukū.


Īmwe nī iragīire tūgui tūthaka. Ngūi ndīendaga

kuona nyau īgīthīi hakuhī na tūgui twayo. Nyau


īgīyagīra tūnyau nyūmba. Nī ītūhithaga ūndū ngui

ītangītūkinyīra.






Umuthī ti müthenya wa cukuru. Kwoguo ithuothe twī müciī. Twīna gïkeno müno tondū mama witū nī aceerete. E hamwe na ciana ciake. Marokire ira hamwe na tata.



Mama witū nī atwendete mūno. No to ithuī endete,
nī endete ciana ciothe. Ūmūthī arenda gūtūtwara
icera tūkone nyamū cia gīthaka. Nīkīo tūkenete ūū.




Nyamū cia gīthaka ti ta cia mūciī. Nyamū cia mūciī
ta ngūkū na mbūri itiūragia andū. Nyamū nyingī
cia gīthaka itiendete andū na rīmwe nī imogitaga.
Mūndū egūthiī gūciona no nginya emenyerere.




Twakinya Mama atwīrire, “Rīu nītwakinya kūrīa kwī nyamū. Mwīkeniei na mwīrorere nyamū. Mwīmemenyererei na mūtigathiī hakuhī na nyamū.” Ümūthī gūkū nī gūceretwo nī andū aingī mūno.





O rīmwe mwarī wa maitu akīanīrīra, “Nyamū īrīa
īhana bunda no īna mīcorora mīerū na mīirū. Nī
thaka mūno. Ona ndīrī iika, nī rūru. Thutha wayo
hena ingī nyingī ihanaine nayo. Ndaigua igītwo
wambūi mīcore.”




Nyamū ici ingī nī ndaihu mūno. Ngingo ciacio
nīcio ndaihu makīria. Cirarīa mahuti ma mītī kuma
mwena wa na igūrū rīa mītī. Onacio ciīna marangi
mathaka mūno. Hena tūcaū twacio no onatuo no
tūraihi. Ici twerwo ciītagwo ndūiga.





Honge-inī cia mītī kwīna nyamū irathaaka mūno.

Imwe nī ng'ima na iria ingī nī ciana. Ciī na
mīting'oe mīraihi mūno na rīmwe nī iramīhūthīra
gūcuha nayo. Ici nī nūgū na nīciendete gūthaaka
mūno.



Rīu nī gwakinya hwaī-inī na mama nīatwīra tūingīre ngari tūinūke. Twī ngari-inī nītuona nyamū nene mūno ūigana kīhinga. Ina mūniūrū mūraihi mūno na ūrathiī o kahora na gacaū kayo. Īno no nginya ūkorwo nīyo ūtagwo njogu.

